



Broj: 0101-1526-7-LOT1/21  
Sarajevo, 07. 04. 2021. godine

Na osnovu člana 69. stav (1) tačka a) i 70. stav (1), (3) i (6) Zakona o javnim nabavkama („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku Robe – Kompjuterska oprema, na preporuku Komisije za javnu nabavku broj: 0101-1526-6/21 od 01. 04. 2021. godine, rektor Univerziteta u Sarajevu donio je

**ODLUKU**  
**o izboru ponuđača i dodjeli ugovora**

**Član 1.**

Prihvata se preporuka Komisije za javnu nabavku broj: 0101-1526-6/21 od 01. 04. 2021. godine i **ugovor o javnoj nabavci Robe: Kompjuterska oprema za LOT 1 - Kompjuterske konfiguracije dodjeljuje ponuđaču EMADO d.o.o. Sarajevo, Azize Šaćirbegović 112, 71000, čija ukupna cijena ponude iznosi: 13.980,00 KM bez PDV-a (slovima: trinaest hiljadadevetstotina osamdeset konvertibilnih maraka i 00/100), iz razloga što je u otvorenom postupku kao jedini ponuđač dostavio prihvatljivu ponudu.**

**Član 2.**

Izabrani ponuđač dužan je na adresu Univerziteta u Sarajevu, Obala Kulina bana 7/II, 71000 Sarajevo, u roku od 3 (tri) dana od dana zaprimanja ove Odluke, **dostaviti originale ili ovjerene kopije dokaza traženih Tačkom 13.1. Tenderske dokumentacije, sve taksativno kao što je navedeno u Tački 13.1. podtačke a.1), a.2), b), c) i d), ne starije od 3 (tri) mjeseca od dana predaje ponude, te original ili ovjerenu kopiju dokaza traženog Tačkom 13.3 podtačka 13.3.1. Tenderske dokumentacije, u skladu sa dostavljenim izjavama ponuđača.**

**Član 3.**

Ova Odluka će biti objavljena na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđaču, u skladu sa članom 70. stav 6. Zakona o javnim nabavkama.

**O b r a z l o ž e n j e**

Na osnovu Odluke o pokretanju postupka javne nabavke broj: 0101-1526-1/21 od 05. 03. 2021. godine Univerzitet u Sarajevu pokrenuo je otvoreni postupak za javnu nabavku Robe – Kompjuterska oprema, za potrebe projekta GEOBIZ - Business driven problem-based learning for academic excellence in geoinformatics.

Za provođenje postupka javne nabavke, Odlukom broj: 0101-1526-2/21 od 05. 03. 2021. godine imenovana je Komisija za provođenje predmetnog postupka javne nabavke.

Obavještenje o javnoj nabavci broj: 999-1-1-41-3-45/21 objavljeno je na Portalu javnih nabavki dana 08. 03. 2021. godine. Istog dana, na Portalu javnih nabavki objavljena je i Tenderska dokumentacija broj: 0101-1526-3/21. Sažetak Obavještenja o javnoj nabavci broj: 999-1-1-41-3-45/21, objavljen je u „Službenom glasniku BiH“ broj: 15/21 od 12. 03. 2021. godine.

Iz Izvještaja o preuzimanju tenderske dokumentacije, kreiranog sa Portala javnih nabavki dana 24. 03. 2021. godine, vidljivo je da su, u periodu koji je ostavljen za dostavljanje ponuda (do 24. 03. 2021. godine), sa Portala javnih nabavki Tendersku dokumentaciju broj: 0101-1526-3/21 objavljenju dana 08. 03. 2021. godine preuzeli sljedeći potencijalni ponuđači: "Gradprom" d.o.o. Srbac, Prointer itss doo, C servis doo, Imtec d.o.o. Sarajevo, ITD d.o.o. Sarajevo, Ekapija doo, IT Systems, Startech d.o.o., Doo Ingel Tuzla, Exploode d.o.o., Aspo Rail d.o.o., FCT d.o.o., "D&D montaža" doo Brčko, BBS Europe, Printex, Unilab d.o.o. , Agencija za zaštitu ljudi i imovine, Emado d.o.o. Sarajevo, Protim d.o.o. Sarajevo, R&S d.o.o. Sarajevo, Veracomp d.o.o., NRG d.o.o, Asbis d.o.o., Kodeks d.o.o., Ibusiness d.o.o., Domod d.o.o., S Consalting d.o.o Mostar, Dasta d.o.o., Procomp, Inter-com doo Zenica, Time Code d.o.o. Sarajevo, Primaprom doo, Telenet d.o.o. Sarajevo, Doper-Tech, Eduteh doo, "Prointer itss" d.o.o. Sarajevo, Dijal-"M", Digitarija d.o.o. drustvo za zavjetovanje i usluge u informatici, Centar za razvoj medija i analize, Telnet d.o.o.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 24. 03. 2021. godine vidljivo je da, u periodu koji je ostavljen za dostavljanje pitanja i odgovora, nije bilo postavljenih pitanja od strane potencijalnih ponuđača.

Od strane potencijalnih ponuđača nije bilo žalbi na Tendersku dokumentaciju.

Iz Zapisnika o otvaranju ponuda vidljivo je da je dana 24. 03. 2021. godine u 10:45 sati, Komisija za javnu nabavku, izvršila javno otvaranje blagovremeno dostavljene ponude sljedećeg ponuđača:

R.br.	Naziv i sjedište ponuđača	Broj prijemnog protokola	Datum i vrijeme prijema ponude
1.	EMADO d.o.o. Sarajevo Azize Šaćirbegović 112 71000 Sarajevo	0101-2829/21	24.03. 2021. godine 10:00

U Zapisniku o otvaranju ponuda konstatovano je da nije bilo neblagovremenih ponuda. Na javnom otvaranju ponuda nije bilo prisutnih predstavnika ponuđača, a od strane članova Komisije i ostalih prisutnih nije bilo primjedbi na postupak otvaranja i ostale priopćene informacije. Zapisnik sa javnog otvaranja ponuda ponuđaču je poslat putem pošte.

Komisija za provođenje postupka nabavke je u Zapisniku o otvaranju ponuda sačinila sažetak ponude primljene u roku:

R.br.	Naziv i sjedište ponuđača	Ponuđeni popust	Ukupna cijena ponude bez PDV-a
1.	EMADO d.o.o. Sarajevo Azize Šaćirbegović 112 71000 Sarajevo	0,00	13.980,00 KM

Komisija za javnu nabavku je nakon provjere računске ispravnosti dostavljene ponude utvrdila da u ponudi ponuđača EMADO d.o.o. Sarajevo nije bilo računskih grešaka, te da je ponuda ponuđača računski ispravna.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponude, Komisija je utvrdila da se na ponudu ponuđača EMADO d.o.o. Sarajevo, ne primjenjuje preferencijalni tretman domaćeg.

Iz Zapisnika Komisije za javnu nabavku vidljivo je da je Komisija započela sa pregledom ponude dana 24. 03. 2021. godine, kako bi utvrdila da li ponuđač ispunjava uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li

je ponuđač dostavio tehnički zadovoljavajuću ponudu, te da li je kvalifikovan za nabavku predmetne robe.

Nakon pregleda ponude Komisija za provođenje postupka javne nabavke utvrdila je da ponuđač EMADO d.o.o. Sarajevo, Azize Šaćirbegović 112, 71000 Sarajevo, ispunjava sve uslove za kvalifikaciju tražene Tenderskom dokumentacijom, pa je Komisija ponudu ponuđača EMADO d.o.o. Sarajevo, Azize Šaćirbegović 112, 71000 Sarajevo ocijenila kao prihvatljivu.

Ugovorni organ je u Tenderskoj dokumentaciji broj: 0101-1526-3/21 objavljenoj dana 08. 03. 2021. godine i Obavještenju o nabavci broj: 999-1-1-41-3-45/21 od 08. 03. 2021. godine za predmetnu nabavku predvidio provođenje e-aukcije kroz sistem e-nabavke. Članom 3. stav 3. Pravilnika o uslovima i načinu korištenja e-aukcije („Službeni glasnik BiH“ broj: 66/16) regulisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona. S obzirom da je u postupku javne nabavke robe – Kompjuterska oprema za LOT 1 – Kompjuterske konfiguracije zaprimljena jedna prihvatljiva ponuda, ponuđača EMADO d.o.o. Sarajevo, Azize Šaćirbegović 112, 71000 Sarajevo, Komisija za javnu nabavku konstatovala je da se e-aukcija u skladu sa naprijed navedenim članom ne može zakazati.

Na osnovu navedenog, Komisija za provođenje postupka javne nabavke dala je preporuku rektoru Univerziteta u Sarajevu da za nabavku Robe: Kompjuterska oprema za LOT 1 – Kompjuterske konfiguracije, u skladu sa članom 70. stav (1) i 69. stav 1. tačka a) Zakona o javnim nabavkama, donese odluku o izboru i dodijeli ugovor ponuđaču EMADO d.o.o. Sarajevo, Azize Šaćirbegović 112, 71000 Sarajevo, čija ukupna cijena ponude iznosi: 13.980,00 KM bez PDV-a (slovima: *trinaesthiljadadevetstotinaosamdesetkonvertibilnihmaraka* i 00/100), iz razloga što je u otvorenom postupku kao jedini ponuđač dostavio prihvatljivu ponudu.

Iz naprijed navedenih razloga, primjenom člana 69. stav (1) tačka a) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ovog ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

**REKTOR**

  
prof. dr. Rifat Škrijelj

Dostaviti:

1. EMADO d.o.o. Sarajevo, Azize Šaćirbegović 112, 71000 Sarajevo
2. Služba za javne nabavke
3. Služba za računovodstvo i finansije
4. web stranica UNSA
5. a/a

Prilog: Zapisnik o pregledu i ocjeni ponuda